



Inatsisartunut ilaasortaq
Anthon Frederiksen
Partii Naleraq

Siunissami akileraarutitigut inatsisissaq allallu pillugit § 37 naapertorlugu apeqqut nr. 43/2018-imut akissut.

Inatsisartut suleriaasianni § 37, imm. 1 naapertorlugu apeqqutinik matuma kinguliani allassimasunik Naalakkersuisunut saqqummiussaqaqputit.

1. Ulluinnarni ilaqtariit inuuniarnermi akiligassaat aalaakkaasut nalinginnaasut assersuutigalugit makkua:

- a. Ineqarnermut kiassarnermut kallerullu inneranut akiliutit,**
- b. Eqqaavinnut anartarfinnullu akiliutit,**
- c. Meeqgerivinnut akiliutit, Ilaqtariinnut pissakinnerusunut akunnattumillu isertitaqartartunut siunissami akileraarutitigut ilanngaatigineqarsinnaalissagaluarpata, tamanna nunatta karsianut qanoq naleqarsinnaava?**

Ilaqtariit pissakinnerusut akunnattumillu isertitaqartartut qanoq nassuiarneqarnissaat eqqarsaatigalugu erseqqinnerusumik killissarititat amigaatigineqarmata apeqqutit siuliani allassimasut imaaliallaannaq akissuteqarfigineqarsinnaanngillat.

Inuit/ilaqtariit namminerisaminnik inillit apeqqummut siuliani taaneqartumut qanoq iliorlugit ilaatinneqassanersut isummerfigineqarsorinangilaq.

Aammattaq ingerlatseqatigiiffiit, suliffeqarfiit allallu inuttut nalinginnaasumillu ilanngaaffigineqarnatik sinneqartoorutinilli akileraarutaasussaasunit tamanit kr.-inut tamanut akileraartarnissaat ilaasortat tunngavilersuutimini isummerfiginngilaa.

Kiisalu inuit ataasiakkaat inummot ilanngaatip saniatigut isertitaqarnissamut aningaasartuutitut ilanngaaffigineqarnissamut periarfissaqarput.

Illuatungeriit tamarmik isertitanit akileraarutaasussaasunit inuttut aningaasartuutit ilanngaatiginissaannut aamma periarfissaqanngillat.

Ilaqtariit appasissumik, akunnattumik qaffasissumillu isertitallit pissutaasut siuliani taaneqartut pissutigalugit naatsorsukkani tulliuttuni immikkoortinneqanngillat. Taamaattoqanngikkaluartorluunniit aningaasarpasuit pineqarput.

Inissiat attartortittakkat 14.000-it missaannik amerlassuseqarnerat aammalu ukiumoortumik (ineqarnermut tapiissutit ilanngaatigereerlugit) agguaqatigiissillugu 30.000 kr.-inik (qaammammut 2.500 kr.) akiliuteqartarnissaat naatsorsuutigalugu aningaasartuutitut taakkununga ilanngaanneqarsinnaatitaasuuppat akileraarutinit isertitassat 420 mio. kr.-inik ikileriaateqassapput, tamatumalu nassatarisaanik pisortat iluanaarutissaraluanit ukiumoortumik 180 mio. kr.-inik annaasaqassagaluarlutik.

15-02-2018
Sags nr. 2018-3814

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail: oed@nanoq.gl
www.nanoq.gl

Nukissiorfiit 2016-imi innaallagissamik, imermik kiassarnermillu tunisaqarnermut atatillugu 790 mio. kr.-it missaannik kaaviiartitaqarput. Kaaviiartitat taakku affaasa missaat namminerisamik illuutitut tunisinermit attuumassuteqartutut naatsorsuunneqassappata akileraarutitigut isertitassaralugit 395 mio. kr.-it missaannik sulik ileriaqqissapput, taamaattoqaraluarpallu pisortat iluanaarutissaralui 170 mio. kr.-inik ileriaqqissallutik.

Kommunit eqqagassalerinermit aammalu ulluunerani paaqqinnittarfinnut akiliutinit isertitaat ukiumoortumik 100 mio. kr.-it missaanniittarput, tamatumanilu akileraarutinit isertitassaralugit sulik ikinnerulersippai iluanaarutissaraluanit annaasanit 43 mio. kr.-it amerlaqataat.

Ataatsimut isigalugu pisortat iluanaarutissaralui 400 mio. kr.-it aamma 500 mio. kr.-it akornanni amerlassusillit amigaatigineqarnissaat ilimanaateqarpoq, taakkulu nuna tamakkerlugu akileraarutit maanna procenterisaata affaannangortinneranut naapertuuttumik annertussusilerneqarsinnaallutik.

Paatsoortoqaqqunagu oqaatigineqassaaq iluanaarutissaraluit annaaneqartut tamarmiusut 75 %-iisa missaat kommunit isertitaannut sunniutaapput sinnerilu nunatta karsianut sunniutaassallutik.

2. Suliffeqarfissuit ingerlatseqatigiiffiit akileraarutitigut akiligassaralui kinguartitat akileraarutitigut pillugu Naalackersuisut qanoq iliuseqarpat imaluunniit iliuseqarniarpat?

Apeqquteqartup apeqqutaanut nr. 2018-23-mut assinganik apeqquteqarfiusumut akissut Naalackersuisunit innersuussutigineqarpoq.

3. Naalackersuisut akileraarutitigut allannguissaminnik piumassuseqarpat, taamaassappat suut qanorlu?

Akileraarnermut tunngasuni tamarmiusuni iluarsartuusseqqinnissat inatsisinillu allannguissat nassuiaateqarfiginissaannut tunngasut § 37 naapertorlugu apeqqutitut akissut aqutigalugu akissuteqarfigineqarnissaat pissusissamisoorsorinngilara. Naalackersuisut inatsisitigut suliniutit Inatsisartunut 2018-imi saqqummiutilersaagaat inatsisissanut aalajangiinissanullu siunnersuutini Inatsisartut tullianik ataatsimiinnissaanni oqaluserineqartussatut Naalackersuisunit nalunaarutigineqartussani takuneqarsinnaassapput.

Inussiarnersumik inuulluaqqusillunga

Aqqaluaq B. Egede